

Mid-Day Dogri News Bulletin, 22nd April 2025

समे – 12:25

<><><><><><>

CM-Ramban Visit

मुख्यमंत्री उमर अब्दुल्ला होरें रामबन च बददल फटने कारण होए दे नुक्सान दा आपूं जायजा लैने लेई कल प्रभावत इलाकें दा दौरा लाया ते उत्थें जमीनी हालात दा आंकलन कीता। इस मौके पर उंदे कन्नै रामबन दे डिप्टी कमीशनर बसीर उल हक चौधरी सनें पुलस ते सिविल प्रशासन दे वरिष्ठ अधिकारी बी मजूद हे। मुख्यमंत्री होर इनें कुदरती क्रोपिएं कन्नै सब्बने शा मते प्रभावत ग्रां मरोग पैदल गे ते उत्थें जाइयै जमीनी हालात दा जायजा लैता। इस मौके पर बोलदे होई मुख्यमंत्री होरें आखेआ जे हालात बेशक माड़े न, पर प्रशासन, प्रभावत परोआरें गी राहत ते सहूलतां उपलब्ध करोआने लेई लगातार कम्म करा'रदा ऐ।

<><><><><><>

NHW Update

जम्मू कश्मीर ट्रैफिक पुलस मुख्यालय नै ट्रैफिक सरबंधी ताजा एडवाइसरी जारी कीती ऐ। ट्रैफिक पुलस नै आखेआ जे राष्ट्री जरनैली शिड़क(एनएच-44) गडिडएं दी आओजाई लेई अज्ज बी बंद रौहग, की जे इसी हाल करने आला कम्म अजें मुकम्मल नेई होआ ऐ। लोकें गी सलाह दिक्ती गेई ऐ जे जिसलै तोड़ी शिड़कै पर सफाई दा कम्म पूरी चाल्ली पूरा नेई होई जंदा ओह एनएच-44 पर सफर नेई करन। शिड़कै सरबंधी होर जानकारी हासल करने लेई लोक ट्रैफिक कंट्रोल युनिटें दे नंबर पर फोन करी सकदे न। जम्मू लेई एह नंबर न-2359048, 2740550 ते 9419147732, रामबन लेई तुस इनें नंबरे पर फोन करी सकदे ओ एह नंबर न-9419993745, 1800-180-7043 ते उधमपुर ट्रैफिक कंट्रोल यूनिट 8491928625 पर फोन करियै हाइवे बारे जानकारी हासल करी सकदे न।

<><><><><><>

Salal-Dam Gates

उप्परले पहाड़ी इलाकें च भारी बरखा दे बाद चिनाह दरैया च पानी दे बधे दे रोहड़ गी ध्यानै च रखदे होई सलाल डैम मेन गेट एहतियात दे तौरा पर खोले गेदे न जेहड़े कारण

दरेया च पानी दा स्तर बधै करदा ऐ। रियासी जिला प्रशासन नै आम लोकें गी सलाह जारी कीती ऐ जे ओ हेठले इलाकें च दरेया दे कंडे कश नेई जान ते ना गै बपने माल बच्छे गी उत्त बक्खी जान देन। प्रशासन उआं पानी दे स्तर दे हालात पर नेड़मी तक्क रखा करदा ऐ।

<><><><><><>

Earth Day

दुनिया भरै च पर्यावरण संरक्षण दे जतने दे समर्थन आस्तै अज्ज विश्व पृथ्वी दिवस मनाया जा र दा ऐ। 1969 च यूनेस्को शिखर सम्मेलन च सुझा दे मगरा पैहली बारी 1970 च पृथ्वी दिवस मनाया गया हा। इस बरे पृथ्वी दिवस दा विशे सार ऐ— “साह्डी शक्ति, साह्डा ग्रह” । पृथ्वी दिवस दा मकसद पर्यावरण संबंधी मुद्दें बारे च जागरूकता बढ़ाना ते धरती दी राखी आस्तै कार्रवाई गी प्रेरित करना। एह लोकें गी जलवायु परिवर्तन, प्रदूषण ते स्थिरता बारे च जागरूक करदा ऐ ते स्वच्छता ते बूटे लाने जनेह सामुदायिक जतनें गी संगठित करदा ऐ। एह दिन सामुदायिक सहयोग ते पर्यावरण अनुकूल प्रथाएं गी बढ़ावा दिन्दा ऐ ते व्यक्तियें ते कारोबारें गी स्थायी आदतां अपनाने आस्तै प्रोत्साहित करदा ऐ।

<><><><><><>

HM

केंद्रीय गृह मंत्री अमित शाह होर अज्ज नमी दिल्ली दे राष्ट्रीय कृषि विज्ञान परिसर—पूसा च ‘पृथ्वी बचाओ सम्मेलन’ दा उद्घाटन कीता। इसदा मकसद जलवायु परिवर्तन गी घट्ट करने ते आर्थिक विकास गी गति देने आस्तै बांस दी क्षमता दा पता लाना ऐ। केंद्रीय सड़क परिवहन ते रा,ट्रीय जरनैली शिडकें सरबंधी मंत्री नितिन गडकरी ते पर्यावरण मंत्री भूपेंद्र यादव होर बी दिन भर चलने आले कार्यक्रम च बक्ख बक्ख सत्रें गी संबोधित करडन। इस सम्मेलन च मुख भरै था करीब 12 सौ प्रतिनिधियें शामिल होआ करदे न। इस दौरान, जलवायु कार्रवाई ते हरित नवाचार च क्रांतिकारी बदलाव दी अगुवाई करने आहले 15 अग्रदूतें गी इंडिया सस्टेनेबिलिटी अवार्ड्स 2025 कन्नै सम्मानित कीता जाग।

<><><><><><>

Earth Day-RNU

आकाशवाणी दा क्षेत्रीय समाचार एकांश जम्मू बी अज्ज विश्व धरती दिवस पूरी निष्ठा ते समर्पण भाव कन्नै मना करदा ऐ। अज्ज आरएनयू हैड सनें एकांश दे सारे कर्मचारी धरती दे

रंग दे प्रतीक नीले टल्ले लाइयै दफतर आए दे न। अज्ज बडलै इस मौके आरएनयू हैड गुलशन रैणा होरें मलाजमें गी अपनी धरता माता दे संरक्षण लेई पूरी चाल्ली रमानदारी कन्नै योगदान देने दी सगंध बी चुकाई। उनें सब्बने कर्मचारिएं गी बूहटे बी भेंट कीते ते आखेआ जे अपने घरें च एह बूहटे भलेया कुसै सामनै लाओ जिसी दिक्खी दिक्खियै असें प्रेरणा थोंदी रवै।

<><><><><><>

State Mourning

भारत सरकार नै पोप फ्रांसिस हुन्दा काल होई जाने दे मद्देनजर त्रै दिन दे राजकीय शोक दी घोषणा कीती ऐ। राजकीय शोक दौरान पूरे भारत च उने सारी इमारतें पर राष्ट्रीय झंडा अध्धा झुके दा रहौग जित्थे नियमित तौर पर राष्ट्रीय ध्वज फहराया जन्दा ऐ ते कोई भी आधिकारिक मनोरंजन दा कार्यक्रम नेई होग।

<><><><><><>

ISSE

भारत दी सिमरनप्रीत कौर बरार नै अंतरराष्ट्रीय निशानेबाजी खेल संघ-आई.एस.एस.एफ. विश्व कप च चांदी दा तगमा जितेआ ऐ। कल पेरु दे लीमा च सिमरनप्रीत नै महिलाएं दे 25 मीटर पिस्टल मुकाबले च अपना पैहला सीनियर अंतरराष्ट्रीय पदक जीतेआ। इस मुकाबले च सुन्ने दा तगमा चीन दी सुन यूजी नै जितेआ ऐ। यूजी दा एह लगातार विश्व कप च दुआ सुन्ने दा तगमा ऐ। चीन दी गै याओ क्विआन सुन नै केह दा तगमा जितेआ। पेरिस ओलिम्पिक च दो तगमे जीतने आहली मनु भाकर चौथी थाहर पर रेई। लीमा विश्व कप च भारत दा एह चौथा चांदी दा तगमा ऐ। इस प्रतियोगिता च भारत अर्जे तगर दो सुन्ने दे ते इक कै दा तगमा जिती चुके दा ऐ।

<><><><><><>